

保定府志

第十五冊

卷三十九至四十二

紀事祥異

舊城堡

舊署舍

保定府志卷三十九

前事錄一 紀事

紀事

周

景王十年

魯昭公七年

齊侯次於虢燕人行成二月戊午盟於濡上

左傳

按濡上今安州地

景王十五年

魯昭公十二年

齊高偃納北燕伯款於唐

同上

按唐故城在唐縣東北

景王十六年

魯昭公十三年

晉侵鮮虞及中人大獲而歸

同上

按中人在唐縣西南

安王二十二年齊伐燕取桑邱

史記

按桑邱在安肅縣西南

安王二十六年趙伐中山戰於中人同上

烈王五年齊襲燕取桑邱同上

顯王二十一年魏殷臣趙公孫襄伐燕還取夏屋城曲逆竹書紀年

按夏屋在完縣

赧王九年趙伐中山攻取丹邱華陽鴟之塞史記

按鴟即今鴻城在唐縣西北

赧王五十年齊田單拔燕中陽同上

按中陽即中人在唐縣西南

燕王喜八年趙與燕易土趙以龍兌汾門臨樂與燕燕以葛城

武陽與趙同上

按汾門亦曰分水門在安肅縣西

始皇四年趙拔燕武遂方城

同上

秦

始皇七年將軍驁死以攻龍孤慶都

史記

按括地志定州恆陽縣有白龍山又有扶龍山唐縣東北有孤山慶都邑名慶都即今望都

始皇二十年燕太子丹使荆軻刺秦王

同上

二世元年趙王武臣使韓廣狗燕地范陽令徐公用蒯通策以

城降

同上

後漢

建武十五年二月遣吳漢等徙吏民置常山關

後漢書

按常山關即今倒馬關在唐縣西北

晉

太和元年秦苻堅滅燕追慕容暉於灌城

載記

按灌城在唐縣西四十里

建興二年石勒襲王浚於薊過易水劉琨率兵禦之隔河相拒

晉書

建興四年石勒以李回爲高陽太守回旋居易京

同上

按易京城在雄縣北

咸康六年慕容皝伐後趙自薊城進破武遂

按武遂津在安肅縣西

後趙石勒遣將攻高陽降者數萬

燕慕容皝率騎二萬入高陽焚燒積聚掠徙三萬餘戶

前秦苻堅遣將郭慶執慕容暉於高陽降之

俱同上

後燕慕容寶遣其左衛將軍慕容泓寇博陵殺高陽令長抄掠

租運

通鑑

魏道武帝南伐高陽太守崔宏東走海濱

隆安元年慕容寶棄中山奔龍城魏遣將長孫肥等追寶至范陽不及破其新城戍而還

按新城故城在安肅縣西南

隆安二年魏主珪發卒萬人治直道自望都鑿恆嶺至代五百餘里

魏主珪至望都堯山徙山東六州吏民以實代俱同上

北魏

明元帝遣其驍騎將軍延普擊燕將康僂官斌於濡水斬之至濡水燕石城太守李崇等十郡來降燕數萬人出戰魏昌黎公邱擊破之大武帝入中山頒賜從官文武各有差高陽民不從官命討平之徙其餘燼於北地通鑑

延興元年九月高陽民封辨自號齊王聚黨千餘人州軍討滅

之

同上

太和十八年冬十月辛亥車駕發平城壬戌次於中山之唐湖

魏書

按唐湖在唐縣南今湮

孝昌二年五原降戶鮮于修禮叛於定州之左城

同上

七月常景敗杜洛周於范陽

同上

按左城卽左人城在唐縣西

隋

大業九年冬十二月唐縣妖人宋子賢舉兵襲乘輿事泄伏誅

並坐其黨與千餘家

通鑑

皇泰元年夏王竇建德取深冀易定等州與高開道各遣使招

羅藝藝遂率漁陽上谷奉表降唐

同上

唐

武德四年高開道叛自稱燕王與突厥劉黑闥相結幽易間咸被其患

同上

武德五年劉黑闥遣其弟十善等擊唐幽州總管李藝於鼓城既而戰於徐河十善等大敗

同上

桑顯和擊劉黑闥於晏城破之

同上

武德六年高開道自易州南掠赤岸鎮

同上

按九域志唐縣有
力士赤岸二鎮

貞觀十五年太宗征遼回駐蹕作百樓城息兵易州司馬陳天

壽令民地室蓄火種蔬以進上惡其諂免官

定興縣志

寶應二年官軍追史朝義及於歸義朝義敗走

唐書

建中四年李晟與易定兵圍朱滔將鄭景於清苑累月不下朱

滔自魏州馳救晟敗退保易州

同上

五代

梁乾化二年晉將周德威攻燕遣裨將李存暉等攻瓦橋關

通鑑

龍德二年

遼天贊二年

春正月晉王率鐵騎五千來攻先進新城北

契丹國志

開運二年正月契丹陷泰州三月庚戌馬全節克泰州甲寅杜

威克滿城乙卯克遂城庚申杜威及契丹戰於陽城敗之追奔

至於衛村又敗之

五代史

按陽城及衛村俱在府城西南

六月趙延壽奏晉兵襲高陽戍將擊走之

遼史

開運三年李守貞奏大軍至望都縣相次至長城遇冠敗之

通鑑

按長城口在
安肅東北

周世宗顯德六年周主自將伐契丹克瓦橋關置雄州命陳思

讓戍之

通鑑綱目

宋

開寶三年契丹入宋定州宋將田欽祚禦之戰於滿城虜騎少

却乘勝至遂城虜圍之數日欽祚突圍出其兵至保塞軍中不

亡一矢

續通鑑綱目

太平興國四年郭進大破契丹於關南

宋史

太平興國五年冬十月契丹寇瓦橋關十一月帝自將禦之契

丹軍退乃還

續通鑑綱目

太平興國七年

遼乾亨四年

景宗自將南伐至滿城戰不利守大尉

奚中流矢死五月班師

遼史

雍熙三年三月曹彬遣先鋒將李繼隆破契丹兵取固安新城二縣虜兵復集米信獨以麾下三百人接戰會彬遣兵至遂敗

契丹於新城東北

續通鑑綱目

冬十二月契丹隆緒入寇誘執知雄州賀令圖

同上

端拱元年十一月契丹進攻長城士卒潰圍南走因攻滿城陷

之

同上

端拱二年

遼統和七年

契丹攻威虜軍爲宋尹繼倫李繼隆敗於唐

徐河間殺契丹相皮室俘獲甚眾自是契丹不復大入

契丹國志

至道元年契丹寇雄州何承矩禦之

宋史

咸平二年契丹攻遂城守將楊延昭登陴固守契丹引去

同上

咸平三年契丹入犯高陽關都部署康保裔選精銳赴之戰二

日殺傷甚眾兵盡矢絕援不至死之時車駕駐大名聞之震悼

廢朝二日贈侍中

同上

咸平四年

遼統和十九年

冬十月契丹攻宋爲張斌敗於長城口尋又

爲李繼宣敗於山谷

契丹國志

咸平六年

遼統和二

契丹攻宋高陽關周瑩逆戰於望都縣翼

日至縣南六里副部署王繼忠率麾下且戰且行旁西山而北

至白城繼忠爲契丹擒

同上

景德元年閏九月契丹主隆緒寇邊遣其統軍蕭撻覽攻威虜

順安軍北平砦保州皆敗又分兵攻瀛州李延渥擊敗之契丹

遂駐兵陽城淀輒引

續通鑑綱目

帝自將伐契丹契丹請盟遣曹利用定和議於狄夏頭以白溝

爲界

宋史

按狄夏頭在雄縣東南

大中祥符三年

遼統和二十八年

夏六月契丹遣使往宋造羅宋詔雄

州出粟三萬石賤價賑之

契丹國志

景祐四年六月以御制神武秘略賜高陽關等總管鈐轄每得

代更相授之

宋史

耶律仁遣人報宋歲增銀絹十萬匹兩稱貢送至白溝

遼史

治平二年

遼咸雍元年

有司奏新城縣民楊從反流其首惡餘釋之

同上

熙寧元年十月詔頒教閱法差陝西河東使臣等往河北教閱

高陽關路三人都總管司無得他使專以新法教習騎軍

宋史

元豐二年內出教閱格行立步射執弓發矢運手舉足移步皆

有法凡千餘言高陽等關路義勇保甲皆誦習之

同上

宣和四年五月童貫至高陽關進兵擊遼种師道總東路兵趨

白溝辛興宗總西路兵趨范村敗績退保雄州九月遼將郭藥

師以涿易來降

續通鑑綱目

冬十月童貫擊遼遣劉延慶郭藥師將兵十萬出雄州以郭藥

師爲鄉導渡白溝

同上

燕王遣大石林牙領一千五百餘騎屯新城

契丹國志

靖康元年

金天會四年

八月癸丑宗望發保州是日耶律鐸破宋兵

於雄州

金史

建炎元年

金天會五年

九月棟摩敗宋兵於莫州雄州降達蘭克祁

州永甯軍保州順安軍皆降

同上

紹興三年詔給高陽路內降教閱圖格一本

宋史

廣信順安軍歲修禊事界河戰棹爲競渡縱北人遊觀潛寓水

戰

同上

紹興九年

金天眷二年

八月達蘭謀反南走追至祁州殺之

金史

紹興三十一年

金正隆六年

二月癸亥帝發中都丙寅次於安肅州

同上

隆興二年

金大定四年

獵於高陽之北免安州今年賦役及保塞縣

御城邊吳二村凡扈從人嘗止其家者復一年

金史

紹興四年

金明昌四年

賜有司所舉德行才能之士安州崔秉仁等

同進士出身

同上

嘉定六年

金至寧元年

元兵圍安州知州徒單航守城死之

同上

嘉定七年紅襖賊周元兒破祁州尋復之

同上

嘉定十二年蒙古使將張柔帥兵南下遂克雄易諸州金武仙

與戰於滿城敗績

續通鑑綱目

咸淳四年

元至五年

置保定軍器人匠提舉司

元史

咸淳六年

至元七年

置保定管民提領所

同上

咸淳十年

至元十一年

置保定路打捕提領所

同上

德祐元年

至元十二年

置保定路管匠官

同上

元

至元二十年賜燕南租賦

元史

至元二十六年以保定新城固安屯田糧賑其饑貧者

至大四年祁州尙文安肅郝天挺詣闕陳事

延祐二年以保定郭貫爲參知政事

至正十五年詔於保定河間有水田處置大兵農司招誘夫丁

有事則乘機進討無事則栽植播種

至正二十二年賊新橋張陷安州李羅帖木兒來請援兵

俱同上

明

洪武元年大將軍徐達常遇春略保定等路

舊志

建文元年七月命耿炳文討燕王先鋒九千人駐雄縣燕將張

玉襲陷之八月壬子燕王夜渡白溝河

明史

建文二年夏四月李景隆進兵河間與郭英吳傑平安期會白溝河攻燕王自將禦之大敗於白溝河禮部陳復初死之

建文三年李景隆等與靖難兵戰於白溝河敗績郭英等潰而

西李景隆潰而南死者數十萬

俱同上

永樂九年築新城張村等口隄命工部主事丁寬董其事

新城縣志

永樂十九年夏四月遣禮部右侍郎郭敦給事中陶衍巡行畿

內保定等州縣考察官吏安撫軍民

同上

宣德三年秋九月令畿內保定等府州縣牧馬有當賠補者宜

寬假俟明年秋成之後補之

舊志